

鐵崖先生古樂府

鐵崖先生古樂府卷之六

門人富春吳復類編

金溪孝女歌

唐敬宗時撫之金溪有金銀場戶葛佑者輸銀不足監官黃懷榜佑再死佑二女投銀冶中化銀二錠事聞遂罷銀場金溪爲二女立廟至今血食危太樸有卷求余詩爲賦孝女歌云

金溪石石生銀鑿石石有盡銀令無時隣昨夜銀官下戶山頭點銀戶葛家父無丁惟二女葛家父楚苦苦楚與死隣二女痛父關一身駢首跳冶裂焰闔

裂焰焚身。不焚二女心。天慘慘神森森。化作雙白金。
雙白金。盛龍錦。願作萬壽卮。以奉天子飲。一飲銀鬼
泣。再飲銀令寢。

楊佛子行

無留瘕一本作無留根

楊佛子。越諸暨人。幼知事母。母病危。佛子
刲股肉進。母食病立愈。母歿。廬墓側。恒
有馴鳥集墓樹。隨佛子往返。佛子素患癭
道逢異人。以掌訣移之。背郡縣上孝感狀。
將表其閭。佛子辭。遂止。年九十歲。免終。安
陽韓性。既為佛子作傳。司里陳敢復作楊
佛子行。

諸暨縣北楓橋溪風橋溪水上接顏烏栖其一人一
百二十里合萬和水萬和孝子廬父墓墓上芝生
莢楊生佛子與萬和孝子齊六歲懷母果二十為
母嘗百藥藥弗瘳叶啖母以肉將身剗母病食肉
起其神若刀圭母死返九土常作嬰兒啼倚廬宿
苦塊棄隔妾與妻嗟哉佛子孝行絕人人不識感
鬼神頰下生瘡大如尊何人戲手瘡上捫明朝恠
事駭妻子頰下削贅無瘡痕背上一掌印爭來看
奇痕墳頭木共白兔馴更遣迎送烏成群傍人竹
弓不敢彈豈比八九雛生秦縣官上申聞旌戶復
其身佛子走告免稱主臣主臣嗟哉佛子誰娛稱

今之人有刃股乳脆孝子以為名規免徭征以希其旌嗟哉佛子誰姬稱

佛子乃先生之曾大父也陳敢乃先生之師也佛子純孝異感非此詩不能發之自韓子董生行後復得此詩亦可見先生古詩有源來也故附著之

金處士謨

吳人今可父賢智有才藝而自理於民衆嘖然以處士稱之權貴人以丘園科起處士處士絕之曰子幸有廬一區在市關可以避風雨田一廛在郭外可以給衣食學

聖人之道可以自樂不願仕也且仕榮利
祿隱樂真素苟以相易彼此兩乘乘而強
合吾不能已吁處士如可父信其逸而貞
者歟故集賢舊老相與署牒錫號曰貞逸
會稽楊維禎為之賦詩曰

蘇州古隱君實始虞仲隱君放言中平清與權次曰
澹臺氏言不枝行不逞未嘗匄走諸侯前五噫之夫
將其匹聯耕織為業不廢誦與絃六有天隨仙配鵠
夷子理釣船去之五百年未繼者孰賢闔閭古城陰
曰有處士氏曰金長身而義髯叶風局孤古古貌疏
且沉家不失箴里不失任有餘推與人矧肯壽祿入

心心關下足終南。貧賤易屈貴富易淫。故大隱在
闕市。不在壑。與林鳳凰不能引高。神龍不能深。淵深
人呼為處士。更加貞與逸號焉。知古不如來今。吾嗟
今之士科。隱丘復事王侯。行無補。關言無裨。謀惟標
食是媒。利詭貞而隱。詭逸而休。以為吾人憂故而返
澗。志岳隴羞聞處士風。其不泚然在頽。豈吾人儔。

彭義士詞

義士元履財江人

八十長者新城彭。一生好義不好名。天曆飢告江南
氓。官家鬻爵令新行。嗟哉我彭。粟有盈內。粟不與官
爵爭。豈惟內粟。爵不爭。民有乏逋。我代庚。乏力我又
代民耕。民流過門。給炊烹。吁嗟尔民。曷報彭。期以八

百之長生

盧孤女

盧孤女年十五官家新條括童年東家媒娘傳巧語
盧家郎選東床李郎自有婦妾使余不當發知急婚
事如此悔不官家作驅使上堂拜姑身未知下堂失
身惟有死歸來抱琴彈高樓苦調不作離鸞愁東家
聘西家求明珠火具事委投河可乾石可助盧家女
節不可勒生作隻影蛾死作獨根柏烏乎丈夫腐節
隨草莽阿盧之風齊砥柱若道錢唐女淫苦安得有
此盧家女

孔節婦

有美丈夫子。玉質長鬢鬚。自言五十五代孔子之孫。
儒其母曰陶大家。大家生兒六月餘。丈夫子即稱孤。
零丁未保麒麟雛。大家一節誓不渝。身有死不二夫。
與孤爲命相噫嗚。保抱不啻琉璃珠。但願孤長壽。豎
我門戶扶我輿。天祚孔胤孤無虞。五歲解讀書。十歲
能當閭二十作賦。喧三吳。竭來大家八十踰。孤三釜。
心何如。紫微相君新下車。止推先聖恩。及攄薦書上。
達天王都。承恩歸來拜起居。堂上鶴髮霜顏都。烹羊
擊鮮婦當厨。里中姆謹相呼。孔家生兒天與渠。康之
昇。曲阜俱康之水。沅泗洙。曰貞曰孝表一廬。楊子作
詞。詞不誣。他日太史春秋書。

陳孝童

孝童名福越之錢清人年十歲侍母葉病衣不解帶母病甚水漿粒食不進口中夜潛出後庭泣于天曰我母病將死吾何依割股代藥天其從我乎股割而母已死人謂割股多救母童不能不亦妄學乎予謂童知愛親天之無偽者也割股救母而不知有其親而不知有其身也又豈知有名義孝世奸民有刃股乳規免賦徭者若童又豈有賦徭而為是哉割股童之天也母之救不救天也予居與童鄰親觀其事可

以弘獎風教遂為賦詩

錢清陳孝童十歲知孝母母病日以草藥餌空吮咀
夜庭人不知磨刀去剔股凡兒血肉軀軀小痛擾撻
孰識身在親慘毒至刀斧隣里聞孝童涕泗下如雨
道路聞孝童過車式其戶堂堂士大夫結髮在庠序
母背忍絕裾母發亡捧土我作孝童詩豈惟風童孺
強氏母

毘陵強可事母以孝聞母年踰八袞可方
以鄉校官調轉湖州從事感事母之日短
遂以侍親致事得陞承事郎浙東帥府從
事由是併得封母夫人縣君今年至正戊

子十一月二十三日長至適為夫人初度
日也母子恩命皆以是日至故為賦燕喜
詩一首俾令官歌之

強氏母毘陵人年已八十又一春強家郎未七旬五
十八官教邑民六十轉官在鄰郡大府婉畫方咨詢
守將急移檄候吏持在門強家郎捧檄告母母欣欣
一哭還一頻庭前大樹風不停孝子惜陰寸寸勤強
家郎養母素不貪食有祝鯁寢有五色裯其肯貪天
之祿一日離其親年未及致事縣檄奉晨暝中書重
爾天性真馳文箋天天不嗔賜爾孝子七品秩緋衣
始納青絲綸強氏母隨牒封邑君一陽復為生辰邑

官里老走佚佚上堂與母千百壽烹羊炮豕羅鮭珍
强家母抱牒謝天恩强家郎百拜百舞稱雷尊日日
起居太夫人項間壽帶日見雙條文眼前離立五世
之兒孫强家母壽無匹榮無倫

蔡君俊五世家慶圖詩

肉譜或作肉譜我
祠或作脫祠

蔡家肉譜繇司徒西蜀蔓衍雲間居胡笳一洗怨女
孤世世解讀中郎書傳家五葉忠孝俱鬱葱佳氣無
時無有母有母徐卿徐生兒衮衮麒麟駒君俊父曾岩
老仙老不枯岩前雙桂雲敷腴綉與從以斑斕裙或
拜或立或步趨登堂好美如群魚中有一人美且都
柏垣成陰返慈烏平反一咲堂上娛春衫初試如舞

雲樵青漁童侍兩隅。坐中有客皆鴻儒。晴簾花吹引
香篆。午窓竹雨鳴茶爐。不知人間有金屋。弱海之外
為蓬壺。只今諸孫稅桐櫺。文采箇箇成於菟。玉階清
夢追爾祖。種德政與槐陰符。太夫人在錫冠帔。曾玄
滿眼紆青朱。紆青朱。贖買丹青添畫圖。

鐵面郎美趙御史也

鐵面郎。不願白玉堂。願着錦衣裳。上明天耳目。下見
人肝腸。江南使者欺天隱。黃金車馱實虛批。忽焉青
天近。天目峯前見秋隼。父老出郭門。焚香拜使君。使
君天上斗。斟酌元氣成。冬春成。冬春立。皇紀董狐已
脩三國史。柱下惠文須出理。江南駘行且止。萬一讒

邪塞天耳手持堯時屈軼枝獨立殿前言國是鐵面
郎真御史

奉使譔美荅理麻氏也

至正乙酉天子遣天下奉使凡十二道三十有六人偉兀氏荅理麻在選中巡察西川司臬吏舞法首擊治之方面貴臣有驕而弗諛者六糾詰之時政梗民必思痛豁去如鯁在咽必吐乃已彼不荅理如者如工尹商陽之兵殺三人以爲不如是不足以反命事不幸類此而況生殺者皆不當法乎此西川使者之可譔也

皇帝五年秋，皇華遣使行九州。皇明明見萬里外，猶恐陰曠生蜉蝣。奉使代天明四目，達九幽。假天喜怒，私恩讐。欺皇明是非，一逆海倒流。其中荅理子，西邊托週遊。西邊有鳥，其名爲休。蜃復有老狐，九尾而九頭。扇妖作怪，呼匹儔。肢我赤子血，上蔽十二旒。力大泰山不可拔，荅理子一觸泰山折之如不周。烏乎漢有張綱，衛有史鮪。元有荅理，是追前猷。太史筆不貶褒，我作歌詩繼春秋。

春草軒辭

瑤中一作瑤圃

昆陵華孝子，幼武六歲而孤。善事其母，以純孝聞。嘗自取孟郊游子詞，名其所居軒。

曰春草子為體游子意賦春草詞

春暉庭下春雲暖春草軒前草長短中有百歲宜男
花一色青蚨綴枝滿青蚨子母生死恩草有靈芝生
孝門春暉照人春不老芝草闌干芝有孫當時夢生
芝草綠瑤草琅玕栖別鵠孤兒日長草忘憂錦棚護
兒如護玉春菲菲草油油千金俊馬五花裘吁嗟兒
子母好遊銅駝陌上春風愁草萋萋春杲杲遊子歸
來在遠道堂前何以報春暉身上春袍照春草

萱壽堂詞

為海濱麻經歷孫仲遠作

孫家高堂風日好堂前祗樹宜男草孫家阿婆昔宜
家今日宜男復宜老香霧濛濛吹綉輿花雨斑斑上